


幼科準繩


卷四下



					漢書門
				一 二 三 四 五 六 七 八	類
				九 一〇 一一 一二 一三 一四 一五 一六	號
				一七 一八 一九 二〇 二一 二二 二三 二四	函
				二五 二六 二七 二八 二九 三〇 三一 三二	架
				三三 三四 三五 三六 三七 三八 三九 四〇	冊

内閣文庫			
漢書	三九		函
類	一七		冊
架	二五		號

内閣文庫			
番號	漢	12549	
冊數	78	(55)	
函號	301	62	



綴じ部(喉部分)の文字等が開きが不鮮明な場所あり

初熱證治

海小兒癩疹初發未能辨認間有求所出之由因內
因外及不因外內隨其所傷如法服餌防其變故抑
其感氣比之他證尤不可緩或發或濕或解其肌或
化其毒求其所起之由涼血清肺調其臟腑平其飲
食謹其禁忌嚴其養攝適其寒濕將理有法俾盡其
道使出無不快之經成無不加之消既愈之後不致
遊毒流汗虛腠日疾膜翳疔癩癰疽喉閉腫潮熱
汗泄此治癩之大略也海藏所謂癩病又云朱

丹溪云癩病之起由於血熱血熱則生癩癩則生癩

初熱證治

淺草文庫

海小兒癩疹初發未能辨認問但求所出之由因內
因外及不因外內隨其所傷如法服餌防其變故抑
其盛氣比之他證尤不可緩或發或瀉或解其肌或

化其毒求其所起之由涼血清肺調其臟腑平其飲
食謹其禁忌嚴其養攝適其寒溫將理有法俾盡其
道使出無不快之經成無不痂之潰既愈之後不致
遊毒流汗虛腠日疾膜翳治癩癰瘡喉閉噎腫潮熱
汗泄此治癩之大略也海藏所謂癩即痘也非心為癩之癩又云外
者外治內者內治中外皆和其癩自出至於惡寒者

初熱

刀

八

發之表大熱者奪之渴者清之大便秘結者下之小便不通者利之驚者安之泄者分之可以執一為哉大抵傷寒同治隨經用藥最為高論假令五日已裏諸病與癰疹不能辨別者不可疑作癰疹必須發之但各從其所傷應見治之皆不妨癰出若強發之其變不可勝數矣如外傷升麻湯主之內傷枳實丸主之大便爽者枳木丸主之若傷冷者溫之神應丸惡寒者發之宜防風蒼朮湯表大熱者奪之此表者通言三陽也夫陽盛者氣必上行言奪者治之不令上行也是知無三陽表證有三陽裏證

染於有形也此言表總三陽之名也渴者清之大

渴者白虎湯暑月用之小渴者涼膈散涼膈散去硝黃加甘桔者穩

大便秘結者下之桃仁承氣湯四順飲子柴胡飲

子選用察其在氣在血必內實能食而秘者可用但

當微微潤之小便不通者利之導赤散八正散之

類當求上下二焦何經而用之驚者安之涼驚丸

重者瀉之瀉青丸泄者分之寒則異功散四君子

湯熱則澤瀉茯苓湯呂凡瘡欲出而未出因發搖

者是外感風寒之邪而內發心熱也宜王氏惺惺散

或人參葛根湯木香參蘇飲凡瘡欲出未出而吐

利者是中焦停寒或夾宿食也宜四君子湯加砂仁
 陳皮或和中散如夾宿食者用紫霜丸 **張治痘全**
 在發熱之初看其熱勢微甚微者固不必治甚者當
 解則解當汗則汗當下則下使毒氣得以發洩則後
 去不能為害痘亦稀少平順失此不治則熱毒漸盛
 難以解救大抵此際熱甚非汗則表不解非下則裏
 不解然藥味之輕重當隨病勢之微甚而用之 **垣**
 痘證少具痘未發與升麻湯參伍錢帶熱服之待其
 身表溫和痘證已顯止藥如其身涼痘證未出只時
 時與甘桔湯寬胸膈利咽喉 大便酸臭不消化畏

食或吐乃內傷飲食宜積木丸傷冷食飲神應丸

如見傷食又見痘證先與不犯大黃巴豆藥尅化過
 再與升麻湯如食重傷前藥不能過再與犯大黃巴

豆藥過之

此須分證之表裏虛實而斟酌之先裏後

虛而尅化藥又重傷之若無便秘裏

實之證其可遠用大黃巴豆下之乎 凡初發疑似

但肌表熱而無內傷證者宜用辛涼之劑調之以四
 物解肌湯主之 或云凡發熱疑似之間宜用入參

敗毒散一劑以發之是與不是一發便明大抵瘡疹
 只要發盡不使留伏於中也 凡發表宜保嬰丹加

薑葱煎湯化下一也或升麻葛根湯去升麻加蘇葉

薑葱二也或羌活散加製砂薑葱三也此可行之於
已發熱之時未發熱之前不可行也既見紅點之後
亦不可行恐表虛故也如或行之只宜參蘇飲調保
嬰丹厚蓋取汗 凡初發表要着天時如時大寒則
腠理閉密氣血凝澀防其發泄得遲有毒氣壅遏之
變以辛熱之藥發之宜桂枝葛根湯五積散去乾薑
主之如時大熱則腠理開張氣血淖澤防其發洩太
急有潰爛之變以辛涼之藥解之宜升麻葛根湯雙
解散主之如不寒不熱天氣溫和只人參敗毒散甚
佳 翁小兒出痘凡裏有大熱當利小便使心火有

所引雖不用涼藥其熱自去矣導赤散主之若裏
有小熱不宜利小便當解毒若小熱利小便反泄腎
氣宜犀角地黃湯消毒飲 萬或曰痘瘡發熱何以
能預識其輕重而解之耶曰凡發熱乍進乍退氣色
明瑩精神如常大小便調能食不渴目清唇潤此毒
輕也痘必稀疎縱出多亦自易發易靨如壯熱不減
氣色慘暗精神昏悶大便或秘或瀉不能食目赤唇
焦此毒甚也痘必稠密宜預解之其出疎者防其有
伏未可便許為疎但看熱減渴止精神爽快清便自
調能食更無他苦是真疎且輕也 或曰既識其候

知痘稠密何以解之曰諸瘡皆屬於心心之華在面如初發熱青筋現露目中淚出此毒發於肝肝木生心火從後來者為實邪肝為水泡風火相扇必作癢癢宜先解肝之毒面赤如錦額上紅筋露現譫妄多驚此毒發於心心火自旺為正邪君主不明必有陷伏不治口乾唇焦面黃而燥此毒發於脾心火生脾土從前來者為虛邪脾為癰心為疹必有夾癰夾疹又脾主肌肉為火所灼必作潰爛宜先解心脾之毒面色眊白鼻中乾燥或流清涕或衄出此毒發於肺心火刑肺金乘其所勝為微邪宜略解肺之毒面色黑氣如煙浮目中見鬼頭熱足冷此毒發於腎腎水尅心火為賊邪必成黑陷不治

瘡疹發熱熱氣微者其毒必少痘出自疎易發易靨不須服藥熱氣甚者其毒必多痘出自密難發難靨且多他變宜預解之宜連翹升麻湯或如聖湯竝合代天宣化丸主之或有熱微痘出反密者其人必口燥渴唇焦烈小便赤少大便秘身雖不大熱却蒸蒸然此毒深熱亦深故表不大熱而裏熱也宜急解之若煩渴引飲大熱如炙頭痛如破或自汗或無汗宜白虎湯主之甚者石膏用至半觔溽暑之時有

此症尤宜用之 或有熱甚痘出反疎者其人必不
渴唇潤目中無赤脉大小便調身雖大熱但熛熛然
此毒淺熱亦淺故表熱裏氣和也只以升麻葛根湯
乍涼乍熱瘡疹常候若遍身如火晝夜不休此心
火亢甚脾土益燥為失其常宜消詳表裏證候以施
治也如口燥渴目赤唇焦大小便不利此表裏俱熱
也雙解散或連翹升麻湯或黃連解毒湯煩躁送下
七物升麻丸四方俱本條如咽喉痛甘桔湯加牛蒡子或
射干鼠粘子湯俱咽加桔梗使咽喉爽快胸膈開豁
失今不治他日咽喉閉塞水入則噎穀入則嘔暴啞

失音悔之無及

如初發熱時時惡寒身振振搖動如瘧之狀其人衛
氣素虛榮血亦弱不能逼毒快出使毒邪留連於經
絡之中欲出不出與正相爭故振振者火之象也以
柴葛桂枝湯加黃耆主之瘡出即愈不可錯認作寒
戰妄投陳氏辛熱之劑以誤入也

四時
分治

古人養生或治病者常順四時之氣謂之勿伐天和
如春夏養陽秋冬養陰飲食起居各有攸宜凡瘡疹
發熱之時其初發表解肌四時各有主方春用羌活
湯痘發夏用五苓散驚秋用參蘇飲冬用五積散四

痘發初熱

初斗四

九七

時通用人參敗毒散又如春肝旺風木主事調養之

法宜四物湯失血加防風黃芩木香青皮羌活以折

風木之勝又以四君子湯不能食加白芍藥桂心以補

脾之受制相間服之夏心旺熱火主事宜黃連解毒

湯煩躁加麥門冬五味子以補肺之不足秋肺旺燥

金主事宜瀉白散肺合甘桔湯咽喉加牛蒡子馬兜

苓以散肺中之邪又以四物湯去川芎加天麥門冬

天花粉以潤其燥冬腎旺寒水主事宜五積散以散

表之寒理中湯泄利加黃耆炙木香丁香以勝裏之

寒此四時之治法也如天有暴風連日不止恐有風

邪桂枝葛根湯夏月盛暑或非時之熱人參白虎湯

渴冬月嚴寒或非時之寒四君子湯加桂枝生薑久

雨濕盛五苓散加蒼朮此四候者必瘡變色有異證

可依其法治之苟無他候不可妄治也惟謹惟慎遠

風寒毋令大熱毋令大寒但常和煖更常服蟬退膏

蓋此膏能禦風邪辟惡氣透肌快癩疹也房室之中

常燒辟穢香禁忌勿得間斷

凡初發熱二三日間有驚搐者以導赤散心羌活湯

痘發辰砂散本條主之大便秘者三黃丸發熱微利

之小便澀少者導赤散渴甚者葛根解毒湯痘渴腹

豆倉初熱 刀斗四 九七

中痛者桂枝大黃湯痘腹痛腰痛者人參敗毒散本條

自利者黃芩湯痘泄利吐利者黃芩加半夏湯痘吐利如

脾胃素弱自利清白者理中湯利或四君子湯

不能食肉豆蔻丸利合而服之餘詳各門

發表升麻湯 治大人小兒時氣瘟疫頭痛足冷脉

數發熱肢體煩疼及瘡疹疑貳之間並宜服之或

未經解利而瘡毒已發又云證候未全或未明者

但可與解散之也又云患瘡疹大便自如常者亦

可服升麻湯蓋用升麻其性苦寒無毒主解百毒

殺鬼邪辟瘟瘴瘴毒中惡腹痛咽喉口瘡皆毒也

瘡痘亦毒故也其次用葛根性平治消渴大熱解

肌發表出汗開腠理治頭痛升麻葛根二藥皆治

伏熱毒動心恍惚驚悸煩躁大抵瘡疹是蘊熱毒

葛根解熱升麻去毒也病熱而藥性微寒冷熱相

攻則芍藥治時行寒熱又活血痺使瘡痘易出也

又利小便瘡疹有大熱者則利小便也次有甘草

調和之况新書言瘡疹渴燥甚者亦用炙草散主

之四者解毒治熱調榮衛為治瘡疹之要藥也為

其疑貳之間非瘡疹伏熱而發熱者有傷寒傷風

傷食驚證兼患瘡疹而稟氣怯者皆發虛熱而非

實熱若服之是瘡疹者則毒滅而愈他證者反以爲害不能盡述其由但有壯熱而面青目白睛不黃赤大便不秘小便清者皆不可服裏無蘊熱故也此藥治未發瘡疹之前瘡疹已愈之後服之消毒故也非正出時服

升麻

葛根

芍藥

甘草

等分

右爲麤末每服二錢水一盞同煎至半盞去滓溫服不拘時候亦可爲細末湯調服身心煩熱卽溫服寒多卽熱服

海藏云升麻葛根湯太陽陽明之藥 陳文中云身熱腹痛者身熱泄瀉者身熱驚悸者身熱汗出者身熱足冷者俱不宜服升麻葛根湯 張翼之云凡痘見癍點忌葛根湯恐發得表虛也 萬氏曰古人謂但見紅點便不可服升麻葛根湯恐發得表虛也此蓋爲痘疎毒少者言後人不達立言之旨遽謂凡出痘子纔見紅點真不可服殊不知升麻葛根湯四味乃發表解毒疎通血氣升降陰陽之劑痘出太密正宜常服以解之令陷者升之燥者潤之鬱者疎之過者平之陰精不衰而陽毒

藥者聞之鬱青類之酸青平之刺棘不寒而潤毒
潤之液毒出太密玉宜常服以補之令削骨共之
其味甚熱屬四和以發毒補毒類血屎共刺剗
之甘酸甜凡出毒子類長綠樹其不可與酸不似
解毒毒也此益為酸刺毒心之言類之不與立言
曰古人謂其長綠樹與不何謂其熱毒甚發熱
云以意見其熱與以甚熱甚甚發熱未盡也 薄刀
昔良藥也今者其不宜則其和甚熱甚甚發熱
良藥則其良藥也其甚熱甚甚發熱其甚熱其甚
發熱云其和甚熱甚甚發熱甚甚發熱之藥 刺文中云

刺棘山查肉子類以刺棘屬木此略辛其熱發也
凡加刺出刺垂長其樹 刺中刺木香山
刺棘山查肉天芥熱發則冬 自碎刺刺實黃
刺棘山查肉白芝計數刺風口刺棘
刺棘山查肉白芝計數刺風口刺棘
刺棘山查肉白芝計數刺風口刺棘
刺棘山查肉白芝計數刺風口刺棘
刺棘山查肉白芝計數刺風口刺棘
刺棘山查肉白芝計數刺風口刺棘
刺棘山查肉白芝計數刺風口刺棘
刺棘山查肉白芝計數刺風口刺棘
刺棘山查肉白芝計數刺風口刺棘
刺棘山查肉白芝計數刺風口刺棘
刺棘山查肉白芝計數刺風口刺棘
刺棘山查肉白芝計數刺風口刺棘

不_子元也苟謂痘_子疎毒_子必者雖他藥不可服况葛根湯乎

古人治痘以葛根湯為主後世好奇多立方法法愈多而治愈難矣苟能變通自發熱以至收靨葛根湯皆可增損用之不特發表解肌而已今以葛根湯為主治隨證立增損法於後

初發熱解表加柴胡羌活白芷桔梗防風口乾渴肉熱也加葛粉天花粉麥門冬自利加條實黃芩生用嘔吐加半夏生薑腹中痛加木香青皮枳殼山查肉腰疼加獨活北細辛頭疼加

羌活藁本蔓荊子驚搐加木通生地黃燈心

小便少加木通車前子瞿麥大便秘加大黃

衄血加山梔仁玄參生地黃

發熱三四日熱不減加解毒藥大力子連翹紫草

桔梗瘡不出加防風蟬蛻荊芥穗紅花子眼

痛加密蒙花柴胡龍膽草

瘡出太稠密加人參當歸木香紫草大力子防風

桔梗咽痛加桔梗連翹瘡乾或帶紫或色大

赤者血熱也加當歸稍生地黃紅花地骨皮牡丹

皮瘡灰白色平陷者氣虛也加人參黃耆防風

木香官桂 手足瘡不起脾胃不足也加防風官
桂人參黃耆

瘡密起發不透又渴者此津液不足加人參麥門
冬天花粉 泄瀉者裏虛也加人參白朮訶子白
茯苓 瘡不著痂者濕熱也加黃耆防風官桂白
朮 李氏加紫蘇伍分筭尖山查牛蒡
子各壹錢冬月加製過麻黃壹錢

惺惺散 治數證皆為純陽人所用古人處為小兒
藥非乃裏寒者可服且以藥對其證用之意大抵
渾身壯熱必由風熱瘡疹傷寒時氣且先與之也
其頭痛目澀鼻流清涕者用細辛喘癱者用桔梗

人參多睡者用茯苓恐傷寒時氣乘裏弱者用白
朮也治風熱瘡疹枯婁根也枯婁味苦寒治身熱
煩滿大熱除腸胃中痼熱八疸面黃燥渴通月水
止小便利熱而腎痺不下乳陽證傷寒治癰下乳
皆攻其熱也故非裏寒者可用其裏寒者由身有
大壯熱不渴而大便反利小便不赤面青目白睛
不黃赤皆裏寒證也其中雖有白朮以溫終非為
虛熱者用人之臟腑寒則寒藥先効熱藥未必能
制之臟腑熱則熱藥先効寒未能制之此勢之自
然也豈得不辨表裏冷熱而用藥也和劑方小兒

傷寒壯熱當先服此大効次服羌活散如壯熱未退切不可與通利大便及涼藥恐是瘡疹服藥則誤矣

苦桔梗

細辛 去葉

人參

甘草 炒

白茯苓 去皮

栝蒌根

白木 各壹兩半

右為細末每服貳錢水一盞入薄荷貳葉同煎至三分去渣溫服要和氣入薑煎不拘時候身雖壯熱大便自利者不可服
海藏云惺惺散治風熱咽不利脾不和少陽渴小便不利也

便不利也

荆芥散 治麻痘子兼瘙癢或癩疹大便白過

右用荆芥少許爛研以新井水將布帛裂過入一
滴許麻油打勻令飲之便不亂悶麻痘已出用黃
蠟煎青膠水飲即安 青膠水乃牛皮膠也 荆芥治血風麻子
是疹子常言風瘙癢疹則皆出皮膚其毒輕而浮
又以麻油打勻此消竅之理又以黃蠟煎青膠水
服則安此滋血行榮衛榮衛既順麻疹出矣指迷
方荆芥湯乃消毒飲加薄荷煎服之

羌活散 解熱散毒治風壅欲作瘡痘者

羌活

獨活

川芎

桔梗

蟬退

前胡

柴胡

地骨皮

甘草炙

栝蒌

天麻炙

荆芥

防風各等分

右爲細末每服貳錢水三分盞薄荷參葉盞內煎至二分通口服量大小加減藥水此藥詳其藥味治風治寒治驚下痰涼脾治血熱透肌但實熱發無所不治如稟受怯弱或脾胃弱或外熱目白睛青色皆裏無熱不可輕用

薄荷散 小兒纔覺是瘡疹宜服之

薄荷葉壹兩

麻黃去節

甘草炙各半兩

右爲細末每服二錢水一中盞棗二枚生薑三片同煎至六分去渣放溫日三兩次服此是小兒稟受壅實毒氣甚者宜服之蓋此方云小兒纔覺是疹痘便服之服之而汗出者服調中散服薄荷散若作寒熱脉反遲者進脫齒散以溫之詳其理非下藥之法也實者服之未必安虛者用之必危殆

參蘇飲方見急驚

人參羌活散方見急驚

羌活散

此方初熱暫用兼治驚搐

羌活 壹錢 貳分

獨活

荆芥 各捌分

前胡

防風 各壹錢

柴胡

白芷

蟬退

甘草 各肆分

細辛 壹分

右加薄荷參葉水一鍾煎五分不拘時服發搐及熱盛不退者暫服煎熟用製砂調下治搖如神人參敗毒散 治傷風瘟疫風濕頭目昏眩四肢痛憎寒壯熱項強目睛疼尋常風眩拘攣風痰身體項疼及咳嗽鼻塞聲重寒熱並治之

柴胡

前胡

川芎

枳殼

羌活

獨活

茯苓

桔梗

人參 各壹兩

甘草 半兩

右為麤末每服三錢生薑薄荷煎

李氏敗毒散 治初熱壯盛等證

即前敗毒散加升麻荆芥牛蒡子蟬退山查地骨

皮薄荷紫蘇紫草 減獨活柴胡茯苓人參

如熱甚加柴胡黃芩 夏加香薷 冬加麻黃

瀉加豬苓澤瀉

右薑一片水煎臨服加葱白汁五茶匙

正氣散

甘草 炙參分半

陳皮

藿香 去梗

白朮 各伍分

厚朴 薑製

半夏 薑製各壹錢半

右細切作一服加生薑三片大棗一枚水煎服

調解散

青皮

陳皮

枳殼 麩炒

桔梗 去蘆炒

人參

半夏 炮柒次

川芎

木通

乾葛 各肆分

甘草

紫蘇 各貳分

右細切作一服加生薑三片大棗一枚水煎服一

方加紫草糯米

蘇解散 治痘初壯熱頭疼腰痛腹疼作脹一切熱

毒甚者

紫蘇

葛根

防風

荆芥

白芷

蟬退

紫草

升麻

牛蒡子

木通

甘草 各等分

右加燈心葱白各七根水煎熱服

和解湯 解表和中

升麻

乾葛 各壹錢半

白芍 壹錢

人參

防風

各半

川芎

捌分

甘草

伍分

右用薑一片水煎服

右十七方發表平劑

王朝奉四物解肌湯

芍藥

黃芩

升麻

葛根

每服四錢水一盞煎至七分去渣服或云小兒傷寒疫癘潮熱瘡疹五日已衰疑似不能辨別者並皆辛涼之劑調之即以四物湯解肌之類 海藏

云此論卽有表也若內傷腹中有物未得大便而發熱者當以食藥去其物則可若得便後仍發熱在表者亦宜此解肌湯比錢氏升麻葛根湯減甘草加黃芩以有表熱之意也

防風蒼朮湯

治小兒邪熱在表惡風惡寒瘡疹未

出可解表發癩疹

防風

甘草

炙各半兩

蒼朮

石膏

各壹兩

川芎

黃芩

各貳兩

右爲麤末每服二錢生薑二片薄荷七葉水煎日

二服

雙解散

即防風通聖散益元散二方也

防風

川芎

當歸

白芍藥

薄荷葉

大黃

連翹各伍分

石膏

桔梗

黃芩各捌分

白朮

桂枝

荆芥穗各貳分

滑石貳錢肆分

甘草壹錢

右剉細加生薑三片水二盞煎至一盞去渣溫服無時

葛根橘皮湯 治冬溫未即病春被積寒所折不得

發至夏熱得其寒解冬溫始發肌肉斑爛癢疹如

錦紋而咳心悶但嘔吐清汁服此

葛根

橘皮去白

杏仁去皮尖

知母

黃芩

麻黃去節

甘草炙

右剉散等分每服抄三錢用水一盞同煎半盞去

渣溫服不拘時候

右四方辛涼之劑表有實熱者宜之

五積散

白芷

川芎各叁分

桔梗壹分半

芍藥

茯苓

甘草炙

當歸

桂枝

半夏各貳分

陳皮

枳殼

麻黃各伍分

蒼朮壹錢

厚朴肆分

右除桂枝枳殼二味別為麤末外一十二味剉細慢火炒令轉色攤冷次入二味末令勻水一盞半生薑三片煎至二盞去渣溫服無時

桂枝葛根湯

桂枝

葛根

赤芍藥

升麻

防風

甘草各壹錢

右剉細加生薑三片淡豆豉一錢水一盞煎七分

去渣溫服無時

柴葛桂枝湯

柴胡

葛根

甘草

桂枝

防風

人參

白芍藥各等分

右剉細加生薑三片水一盞煎七分去渣溫服不拘時

右三方辛溫之劑表有寒邪者宜之

攻裏大便酸臭不消化畏食或吐乃內傷飲食宜枳朮丸傷冷食飲神應丸

紫霜丸 變蒸

神應丸

枳實丸

枳木丸 俱大科傷食

七物升麻丸

升麻

犀角

黃芩

朴硝

梔子仁

大黃 各貳兩

淡豉 貳升微炒

共為末蜜丸如黍米大凡覺四肢大熱大便難即

服取微利為止

備急丸

木香 貳錢半

大黃

牽牛末 各伍錢

右為細末神麩糊丸菉豆大每服五七丸食前出

查煎湯下

和中加味四君子湯

人參

白朮

茯苓

砂仁

橘紅 各壹錢

甘草 伍分

水一鍾煎六分食前溫服

和中散

厚朴 薑汁製炒壹錢半

人參

白朮

茯苓 各壹錢

乾薑 炮

甘草 炙各陸分

薑棗煎服

痘瘡

卷四

百四

六一例六一散 治諸熱證暫用

桂府滑石 水飛過 陸兩淨

大甘草 去皮為末 壹兩

右和勻每用一錢薄荷湯或冷水調下內加製辰砂參錢名辰砂六一散治狂言發搐驚悶用防風荆芥薄荷天麻煎湯候冷調下更加牛黃參錢纏豆藤參錢名退火丹治痘初出時大熱不退及標影稠密成片者用紫草木通蟬退地骨皮紅花生芎子片黃芩燈草各等分煎湯候冷調下能減標稀痘極良法也本方加鬱金名牛黃六一散治痘後瘡癩毒壅及天行瘟疫冷水調下多服大効

大靈丹 治壯熱顛狂驚搐譫語紅紫斑焦乾陷一切惡證

白滑石 飛過 參兩

雄黃 飛過

犀角 各參錢

辰砂 飛過 參錢半

牛黃

冰片 各壹錢

麝香 伍分

右研極細和勻用升麻甘草防風薄荷燈草牛蒡子紅花紫草黃連各參錢水二碗煎至半碗細絹濾去渣加蜜肆兩同熬滴水成珠和前藥丸如小龍眼大金箔為衣每用一丸燈心湯下暑月冷水化下

痘瘡初熱

方十四

百五

無比散 初熱服之甚能稀痘又治痘夾黑點子及
黑陷黑痘等證

辰砂 壹錢

冰片

麝香

牛黃

各伍分如無牛黃用牛膽南星代之

膩粉

貳錢

一方有蟾酥

右研細末一歲兒服壹字六者五分刺豬尾血三
兩點新汲水調和送下取下惡毒如爛魚腸葡萄
穗狀即愈

小無比散 治痘壯熱口渴小水澀大便秘口氣熱
煩躁不寧或焦紫或紅斑白發熱至起壯時有熱
者皆可用痘後餘熱亦可用

桂府滑石

飛過

石膏

飛過

粉草

寒水石

各伍錢

鬱金

蟬吐凡小者甘草湯煮乾為末米錢

右俱製淨末和勻每五歲者服二錢大人再加
冬月燈心湯下 夏月井水調下 熱甚不解者
井水磨犀角汁調下 若紅紫頂陷不起加穿山
甲末壹分麝香半分紫草煎湯加酒一二匙調下
即起

大無比散

治熱毒太甚驚狂譫語引飲痘瘡紅紫

黑陷

痘疹

五和四

百六

桂麻滑石飛過陸兩粉草壹兩

辰砂飛叁錢

雄黃飛壹錢

右為末每三五歲服一錢十歲服二錢發熱之初

用敗毒散調下亦能稀痘 若報痘後用燈心湯

下

涼血解毒犀角地黄湯失血 消毒飲咽喉

玳瑁湯 治時行豌豆瘡及赤瘡疹子未發者令內

消已發者解利毒氣令不太盛

生玳瑁各以冷水磨 生犀各以冷水磨

右同攪令勻每服半合微溫服一日四五服為佳

又治出而未快者宜服之又云毒氣內攻紫黑色

出不快用玳瑁水磨濃汁壹合入獾豬心血一皂

子大以紫草濃煎湯都作一服服之玳瑁犀角其

性微寒以治熱毒則知其無失也二藥皆治瘟疫

蠱瘴解百毒通血脈消癰腫故用之以解蘊毒可

宜服也

犀角飲子解熱毒去風疹

犀角炙各半兩 甘草炙各半兩 防風貳兩

黃芩壹兩

右為麤末每服五錢用水一小盞煎至半盞去查

痘疹初熱

刀圭

百二

温服不拘時候

犀角湯 治小兒疹痘瘡及赤瘡子

犀角 屑

大黃 炒

桑白皮 蜜炙

釣藤

甘草 炙

麻黃 去節各壹兩

龍膽草 半錢

石膏

栝蒌

黃耆 炙各半兩

右為麤末每服一錢水一小盞煎至四分去滓温服量兒大小加減服瘡子退後濃磨犀角水塗之更良錢氏亦附方同以此藥治療瘡疹太盛令不入眼則名調肝散此藥治風盛氣實心肝血熱津

液內燥大便不通毒氣上盛表熱未散之藥也且大黃栝蒌治內燥釣藤龍膽治風血熱桑白皮石膏治上焦熱麻黃耆散肌熱犀角甘草解毒大抵用藥貴於與病相主則病去而正氣自復苟為不然則反為大害如犀角散自非大便數日不通喘急悶亂煩躁譫語者豈可服之恐病藥不相主治也

奪命散 治瘡疹已發未發並宜服之

升麻

糯米

紫草

甘草 各半兩

木通 貳錢半

右判爲散每服一大錢水七分煎四分去滓溫服
出瘡疹熱毒勢甚者可服解蘊熱利小便瘡痘初
發氣盛亦宜服

牛蒡散 涼血解毒

右用牛蒡子炒爲末水煎一盞服之小兒冬月有
非節之煖及春月天氣暄暖或甘肥之過或重衣
溫厚幃帳周密傷皮膚害血脈瘡瘍發黃是生多
疾宜預常服之也

獨勝散 治小兒發瘡痘早微熱晚大熱目黃脇動
身熱手冷發甚如驚者又名牛蒡殭蠶散

牛蒡子 半兩

白殭蠶 壹分

右爲麤末每服一大錢水六分盞紫草二七寸同
煎至四分盞連進三服其痘便出此藥用牛蒡子
出癰透肌白殭蠶治遍身癰疹疼痛成瘡爲末酒
調服之立瘥又以紫草煎之令利竅是瘡疹證無
虛寒證者服之立出也

解毒疎痘湯 預服解熱去毒 已出解熱毒癰疹
又治紅紫口乾壯熱譫語

防風

荆芥

羌活

柴胡

川芎

白芷

五

五

五

當歸

連翹

黃芩

黃連

黍粘子

紫草

蟬退

右薑葱水煎服

安斑散 調理瘡疹

升麻

赤茯苓

羌活

黃耆

人參

桔梗

枳殼

炒

甘草

各等分

右為細末每服一錢水七分盞紫草薄荷少許同煎至四分盞去渣放溫服之量兒大小增減此藥

為解毒涼血生肌寬腸導熱利小便快膈之藥也

患瘡疹有熱無寒者可服之

西來甘露飲 清熱解毒如神凡發熱之初五日已

前而熱不退痘色紅紫口渴大便結燥服之即能

紅潤亦治疹家煩熱口乾咳嗽疹色枯燥或譫語

喘急睡卧不安

絲瓜藤

霜降後二三日近根二尺剪斷將根頭壹節倒插入新瓦瓶中上以物掩之勿使

灰塵飛入次日以好新罈一隻將瓶中之汁傾在罈中仍將藤照前插入瓶內三日後汁收盡

將罈封固收

若發熱煩躁口渴未見紅點將茜根壹兩水煎濃

五

五

五

痘疹 卷之四 百一
汁二酒盃攪絲瓜藤汁一酒盃相和服之立安痘
出亦輕 若已見標顏色紅紫及稠密者用紫草
煎濃湯衝服便見紅潤 若夾斑者犀角紫草苗
根煎湯衝服寒月用酒煎衝服 蓋此汁極能解
毒清熱尤治天行時疫每以生薑汁少許加蜂蜜
調勻服之有神功

渾元汁

即紫河車不拘男女初胎者尤妙入新瓦罐內封
固其口上以碗覆埋於土中久則化而為水是也
專治氣虛血熱痘色紅紫乾枯黑陷等證以此汁

清而補之其效立見氣虛甚者人參紫草煎濃湯
衝入服之

蟬蛻膏

蟬蛻 去毒

當歸

防風

甘草

川芎

荆芥穗

升麻 各等分

加白芍藥

右為末煉蜜丸如芡實大每服一丸薄荷湯化下

辰砂散

好辰砂 壹錢

絲瓜 近蒂叁寸連子燒灰存性此物發痘瘡最妙

右研末蜜水調服云多者可少少者可無或以紫

草甘草湯調服尤佳

初熱吉凶

發熱時身無大熱腰腹脚膝不痛過三日纔見紅點
又堅硬礙指此為吉證不須服藥

發熱時渾身溫熱不時發驚痘自心經出也乃為吉
證可治而愈 按近年屢有痘前驚而終凶者好事
不如無未可言吉

發熱之初腹中大痛腰如被杖及至報痘乾燥而前
痛猶不止者死不治先腹痛後止可用助血氣藥救
之

初發熱一日遍身即現紅點稠密如蠶種摸過不礙
手者死不治

初發熱時頭面一片紅如臙脂者六日後死

初發熱時用紅紙擦蘸油點火照心頭皮肉裏紅如
一片臙脂或遍身皆有成塊紅者八九日後死

見形證治

痘瘡之期始於見點從見點而數之期止七日七日之內如花之始蕾而發也其氣日盛以出七日之後氣斂而花謝矣故服藥者當於七日之內日夜連服毋或姑息苦之以七日所以全之於百年人不知此而惟務姑息七日之外服無益矣予嘗謂痘毒之在血氣譬若糠粃之在米也惟血氣充足運轉迅急若篩米然運轉不停則糠粃不混於米而騰起浮聚自作一團血氣充足周流則毒不滯於榮衛之中而自然收斂以成瘡故痘瘡及時貫膿未嘗爛肌損肉只

是將皮肉紅色毒氣收貯窠囊而已其有日久纔發
臭爛者此皆變證而非本然如此也今舉世以食物
發痘而不知其本無益也惟服補氣血藥以助其運
行推出之勢可也

發熱三日之後熱退身涼大小不等作三次出淡紅
色如水珠光澤者不須服藥 凡痘子出現疎則毒
輕不可妄治密則毒甚却要磊落大小分明不相粘
連略與托裏解毒之劑快斑湯消毒飲主之使之易
發易靨如山太密粘連模糊其毒尤甚托裏解毒之
劑宜多飲之以防裏塌黑陷之變更察外證可治則
治不可則勿治 凡痘子出形皮肉如常根苗明潤
此毒輕也不可妄治如皮肉昏黑或赤腫根苗乾枯
青紫或灰白者此毒甚也以消毒飲奪命丹合服
快斑湯

人參 伍分

當歸

防風

木通 各壹錢

甘草 叁分

木香

紫草

蟬蛻 各貳分

右剉細水一盞煎七分去渣溫服不拘時

消毒飲

牛蒡子

連翹

甘草

豆豉見形

刀斗四

百

五疔

五疔

百疔

綠升麻

山豆根

紫草各等分

右剉細水一盞煎七分去渣溫服不拘時

奪命丹

麻黃

升麻各半兩

山豆根

紅花子

大力子

連翹各貳錢半

蟬蛻

紫草各壹錢半

人中黃叁錢

右研細末酒蜜和丸辰砂為衣薄荷葉煎湯下

凡痘子之出最要唇潤舌潤紅鮮如常其毒則輕如唇焦破裂舌燥有芒為毒火太甚表裏鬱遏急宜解之黃連解毒湯加大力子

黃連解毒湯煩躁

發熱一二日便出如纔發一二日間痘便一齊湧出

者須問其曾數日前有熱否如曾數日前乍熱乍涼以過期論惟原未發熱至今纔熱便斑現此表氣虛毒氣盛榮熱衛弱腠理不密肌肉不堅不能約束於外使毒氣衝擊故出太驟也宜用實表之劑可以無癢塌無潰爛實表解毒湯主之 一方用羌活散調紫草膏或保嬰丹加紫草牛蒡子蟬蛻與服熱盛不退以羌活散調退火丹進之另用燈草木通蟬退地骨皮煎湯候冷服此用發表之劑與表虛衛弱之說

五疔

五疔

百疔

背馳蓋亦有初發熱時見表證失於解散實熱壅遏而怒發者此法猶可施也然得全者鮮矣
實表解毒湯

黃耆

人參

當歸稍

生地黃

白芍藥

地骨皮

甘草

酒片苓

柴胡

玄參

升麻

右判細加薄荷葉少許淡竹葉拾片水煎溫服無

時

消毒快癩湯

桔梗

甘草節

荆芥穗

牛蒡子

防風

當歸尾

赤芍藥

天花粉

黃耆

玄參

連翹

前胡

木通

水煎服

清地退火湯

治痘帶熱而出名爲火裏苗急用此

方以退其熱則後無青黑變陷之候

地骨皮

地膚子

牛蒡子

紫草

葛根

連翹

當歸 伍分

木通 叁分

蟬退 貳分

右加薑一片水煎服如熱不退再服一劑或為末

燈心湯服

羌活散 本門初熱

保嬰丹 本門預防

退火丹 即六一散加生黃

發熱四五六日始出如發熱四日至五六日後始出

者須審視曾有外感內傷否蓋傷風寒傷食之熱久而不去則所蘊瘡痘之毒亦能乘間而出不可以過期論惟無內傷外感之因一向熱而不出此裏氣虛不能驅逐其毒使之即出而毒邪得以留連停伏於

臟腑腸胃之間宜先用托裏之劑令其快出次以和中之劑多服之可以無伏無陷無倒靨托裏宜托裏快癍湯或十宣散和中宜四君子湯加黃耆或保元湯合勻氣散主之托裏快癍湯

當歸

黃耆

川芎

木香

青皮

牛蒡子

紫草

連翹

木通

防風

桂枝

蟬蛻

右剉細加淡竹葉十片水煎溫服無時

十宣散 一名十奇散 一名托裏十補散

黃耆 人參 當歸 各貳錢

厚朴 薑製 桔梗 各壹錢 桂心 叁分

川芎 防風 甘草

白芷 各壹錢

右爲細末每服一錢或二錢木香湯調下

增損八物湯

人參 黃耆 白朮

甘草 當歸 川芎

牛蒡子 炒 赤芍藥 防風

荆芥穗 連翹 桔梗

葛根

右用水煎服

勻氣散

木香 青皮 各伍錢 山查肉 貳錢半

右爲細末每服一錢甘草湯調服

應出不出痘疹之出自有常期如過期應出不出有數證不同不可不辨如內素實之人皮厚肉密毒氣難於發越一旦恃其體厚不怯風寒又爲外邪所襲或體素弱者風寒易感以致腠理閉密氣血凝澀故

痘疹見形

刀針

一六

應出不出也其證頭痛四肢拘急偃倚蓋覆常惡風
 寒此類宜發之氣強者用雙解散氣弱者用參蘇飲
 或惺惺散俱初熱或內虛者脾弱食少宜用補脾之劑
 加行氣發表藥四君子湯不能食調元湯即參耆飲並
 加木香青皮黃耆桂枝或臟腑自利宜用溫裏之劑
 黃耆建中湯腹痛益黃散脾並與奪命丹合進利未
 止者豆蔻丸泄利合進蓋裏溫則氣不消削氣不消
 削則不陷伏矣若依上法分治猶不出者此毒壅伏
 於三焦不久而變生焉
 加減參蘇飲

人參

紫蘇葉

葛根

陳皮

前胡

白芷

桔梗

枳殼

甘草

羌活

防風

右用竹葉為引熱服

加減調中湯

人參

白朮

黃耆

甘草炙

木香

桂枝

白茯苓

藿香

白芍藥

酒炒

陳皮

見形

切半

百七

右用生薑為引煎服

聞人氏槻云是痘疹證熱數日而不發見者進退皆難便欲大發之懼其本稀而成癰爛不發之又無以出其毒氣古人立論始以藥微發之微發不出則加藥加藥不出則大發之大發之後所出不多氣候和平無他證者即是瘡本稀不可更發也以此言之發不至太過守不及乃用藥之圓活也愚按古方用發表者升麻葛根湯輕劑也惺惺散重劑也謂微發謂加藥者或先用輕劑後用重劑或只用本劑先小作湯少飲之後漸加大多飲之非謂於本方之外再加辛熱大發之藥也

凡痘疹過期應出不出者或因外感風寒依上發表之法或因內虛泄瀉依上和中之法如按法調治猶不出快熱反甚大渴腹脹滿大便鞭結不通煩躁不安者此毒邪壅伏於內三黃丸七味升麻丸初熱擇而用之甚則三乙承氣湯主之大便聞人氏云且身熱脈數大便秘而腹脹此熱毒壅遏未見形狀者當微下之非微下則熱不減此是始者熱在裏癰未出之時也若癰點隱隱在皮膚中者是已發越在表瘡正發時則不可妄下也又有結膿窠痂疔之際脈尚

痘疹見形

初十日

百六

洪數能食而大小便秘此表已罷裏有熱毒宜微利
之大抵臟腑有熱往往利大小便者以其主出而不
內故也

張氏從道云瘡痘氣勻即出快蓋氣勻則榮衛無滯
勻氣之藥如桂枝防風荆芥穗薄荷葉所以行在表
之氣而使之無滯也故凡發表之劑多用之木香青
皮枳殼木通所以行在裏之氣而使之無滯也故凡
和中之劑多用之又瘡出之時常宜和煖如三春發
生之氣則氣血和暢自然其出快其發透其曆齊若
偏於太熱則壯火食氣其氣反虛而不能行偏於太
寒則氣凝澀而不得行矣

痘瘡之證其初不免於發熱者未出毒邪在裏煎熬
氣血薰蒸臟腑而然瘡既現形則毒洩而熱解所以
瘡出熱退者瘡本必疎若瘡已出熱不少減此毒蘊
於中其勢方張其瘡必密宜急解其毒連翹升麻湯
加防風荆芥穗地骨皮或解毒防風湯大法加升麻
或東垣黍粘子湯本條兼服代天宣化丸預防服藥

之後瘡或不出或再出其熱頓減者為氣和也熱若
不減瘡漸加多再消詳大小便何如大便不通七物
升麻丸初熱小便不利連翹湯小便不利小大便俱不通

八正散小便不利自利者黃芩湯自利加白頭翁酒黃連
 調赤石脂末裏氣和毒解矣如更加渴煩躁不已或
 譫妄或腹脹滿氣促或自利不止手足厥冷此逆證
 勿治

出大密潔一發便密如鍼頭形勢重者合輕其表面

涼其內連翹升麻湯主之然稠密之處各有經絡部
 分所屬額主心面主胃腹與四肢主脾脇主肝兩腋
 主肺下部主腎肩背主膀胱當隨見證治之若面色
 黃大便黑煩躁喘渴或腹脹者瘀血在內也用犀角
 地黃湯或抱龍丸生犀角汁但根窠分明肥滿者無

妨薛前證若屬心經用導赤散之類胃經用犀角

散之類肝經用柴胡湯之類大凡稠密者熱毒熾盛
 也若密而不痛用東垣消毒散若密而作痛用仙方
 活命飲若密而小便不通用八正散若密而大便不

通用承氣湯若密而惡寒發熱用麻黃甘草湯

連翹升麻湯潔古連翹升麻湯即升麻葛根湯加

連翹壹錢 升麻 葛根

桔梗 甘草各柒分 牛蒡子壹錢

木通捌分 白芍藥伍分 薄荷葉少許

右剉細加淡竹葉燈心水一盞半煎一盞去渣溫

痘疹
服無時

東垣鼠粘子湯 治癰疹已出稠密身表熱急與此

藥防後青乾黑陷

鼠粘子炒貳錢 當歸身酒浸 甘草炙

柴胡 連翹 黃芩

黃耆各壹錢 地骨皮貳錢

右咬咀每服參錢水煎去查溫服空心服藥畢且勿與乳食

犀角消毒散 治癰疹丹毒發熱痛癢及瘡疹等證

牛蒡子 甘草 荆芥

防風各伍分 犀角鎊貳分 金銀花叁分

右水煎熟入犀角傾出服

東垣消毒散即消毒救苦湯見大法 仙方活命飲餘毒

發表痘出太盛煩喘甚者麻黃黃芩湯 痘出太盛

煩喘咽痛而嗽者麻黃湯入麝香尤妙

麻黃甘草湯 治表實痘毒熾盛稠密

麻黃 生甘草

右水煎服

攻裏潔古云癰已發密重微喘飲水者有熱也用去

風藥微下之 滄洲翁云瘡已發稠密微喘渴欲飲

痘疹見形 刀針四 百三

水宜微下之當歸丸及龐氏地黃膏外以黃蘗膏塗
面佳 痘出太盛喘促腹滿小便赤手足心并腋下
有汗或狂言妄語大便不通宜四順飲小承氣湯下
後諸證悉退不可再下

表裏田氏調肝散 治瘡疹太盛宜服令瘡不入眼

生犀貳錢

草龍膽

麻黃去節

釣藤釣各壹錢

黃耆

桑白皮炒黃

石膏各半兩

大黃

栝蒌仁去皮

甘草炒各貳錢

右為麤末每服參錢水煎食後溫服微利効

涼血海藏云出太多者犀角地黃湯地骨皮鼠粘子

湯即地骨皮散加鼠粘子

龐氏地黃膏

生地黃肆兩

豆豉半升

雄黃壹錢

麝香半錢

右以豬膏壹觔和勻露一宿煎五六沸令三分去
一絞去下雄黃麝香攪均稍稍飲之毒從皮膚中

出即愈

丹又解瘡毒藥

絲瓜

升麻

芍藥酒炒

豆膏見形

切斗

百指

甘草生

山查

黑豆

赤小豆

犀角

右咬咀水煎服

或云一見皮肉纍纍紅點稠密急用纏豆藤燒灰加製砂連進三四服或薄荷湯調退火丹進之仍以牛蒡子為末傅頤門上以散熱毒非惟能使痘疎且免侵眼之患用纏豆藤燒灰為末加入退火丹內又用燈草木通蟬蛻地骨皮煎水調退火丹連進二三服則痘之稠密不分者遂分明矣後再用乾葡萄五十箇茜草根壹兩荔枝連肉殼核伍箇芫荽子伍錢

無子莖葉亦可用好酒二碗煎一碗徐徐以熱水攪薄常與服之服盡滓再用水煎准茶常與之服則痘之稠者以退不作害未退者遂令如水珠起壯灌膿結靨矣

凡痘子初出磊磊落落似稀疎之狀其後旋加日多一日此毒伏於裏裏氣虛弱不能托之即出要大補兼解毒或什可救其一二也十宣散加無價散主之

十宣散見前 無價散倒靨
王汝言曰痘瘡多者是毒氣多便先宜解毒然多則恐氣血周貫不足故隨亦宜兼補藥以助成膿血

痘毒自內出外一二三日方出齊毒氣尚在內出至六日則當盡發於表七八九日成膿而結痂矣若毒氣盛不能盡出過六日毒反內入臟腑故須於六日以前毒氣該出之時急服涼血解毒之藥以驅出之六日以後醫無及矣

出不快 錢瘡疹三日不出或出不快即微發之鼠粘子湯

類如瘡發後不多出即加藥如一日一貼加藥不出

即大發之升麻葛根防風羌活獨活麻黃桂枝之類如發後不多及脉平

無證即瘡本稀不可更發也有大熱者當利小便四聖

散六一散小熱者當解毒若不快勿發勿下攻止用

抱龍丸治之 靈錢氏消毒散化毒湯活人鼠粘子

湯皆發瘡痘溫平溫涼藥錢氏所謂微發之者是也

如微發不出者即就與前項藥該每服貳錢者即加

至參肆錢該每日二服者即加至三四服如加藥又

不出者即用升麻葛根麻黃桂枝大發之如大發後

不多及脉平無事者即瘡稀不可更發如脉洪有熱

有大熱者當用四聖導赤八正輩利小便有小熱者

當用芩連及金花丸輩解毒若利小便解毒後又不

快則勿發勿下止用抱龍丸治之此錢氏心法也

潔若出不快清便自調知其不在表不在裏當微發并

麻葛根湯 若青乾黑陷身不大熱大小便澀則是
 熱在內煎大黃湯下宣風散 若身表大熱者表證
 未罷不可下 若瘧已出見小熱小便不利當以八
 正散利之

海太陽出不快身之後也 荆芥甘草防風湯

陽明出不快身之前也 升麻加紫草湯聖惠方升麻葛根加紫草

少陽出不快身之側也 連翹防風湯即連翹散

四肢出不快 防風芍藥甘草湯

凡痘瘡出不快者有五證臨病審而調之 一證
 天時嚴寒為寒所折不能起發宜散寒溫表冬二月

寒甚紅癍初見宜五積散正氣散參蘇飲楊氏調解

散俱初熱 陳氏木香散泄利 一證炎暑隆盛煩渴昏迷

瘡出不快宜辰砂五苓散煎生地黃麥門冬湯調服

身熱者小柴胡加生地黃熱甚煩渴而便實者白虎

加人參湯輕者人參竹葉湯加生地黃俱傷寒煎服

一證服涼藥損傷脾胃或胃虛吐利當溫中益氣宜

理中湯泄利 吐利甚者加附子或陳氏異功散出不快

木香豆蔻丸泄利 一證或成血疱一半尚是紅點此

毒氣發越不透必不能食大便如常者宜半溫裏半

助養之劑用四聖散加減及紫草木香湯絲瓜湯阮

宜言見形

切半四

五

氏萬全散湯氏安痲湯 一證外實之人皮膚厚肉
 腠密毒氣難以發泄因出不快宜消毒飲透肌散如
 大便秘實於消毒飲內加大黃梔子仁煎服瘡出太
 稠宜犀角地黄湯張氏解毒防風湯血氣不足宜十
 奇散咽嗑不利宜如聖湯加薄荷枳殼口中氣熱咽
 痛口舌生瘡宜甘露飲子驚風搐搦宜抱龍丸煩渴
 宜獨參湯黃耆六一湯

張瘡已出而不遍勻者聞人氏云惟透肌解毒無壅
 塞之患則自然出勻以必勝散大紫草飲胡荽酒之
 類主之 痘出不長隱於肌膚者人參透肌散主之

出不快有數證不同內虛 熱極而不發者朱汝明
 用四君子加黃耆紫草發之有內虛甚而生寒大便
 利而出不快者宜理中薑附子以溫之則氣不消利
 自不伏陷有內實而兼諸熱証出不快者用四聖散
 加味四聖散紫草飲子紫草木香湯紫草木通湯快
 斑散絲瓜湯俱可選用或氣實痰鬱而發不出者蒼
 朮白芷防風升麻黃芩芍藥連翹當歸孰為上等痰鬱之藥乎
 分煎服兼化抱龍丸若毒根在裏或血氣虛弱或邪
 穢衝觸內陷而出不快者托裏散

彭氏云疹痘發未透宜四君子湯加黃耆紫草糯米

痘疹見形

初四

百五

煎凡醫百病不可損胃氣故用四君子及糯米等助其胃氣服此藥後若患者身全不熱又以栗絲子醋製為末後方在大人壹錢小兒柒分或參分托之則痘疎疎出矣此藥大補助火不可多多則托出太多矣隱於肌肉不起宜紫草飲子煎服又不可過用候三日齊後以保元湯加好酒人乳一二服最穩紫草貳兩細剉以百沸湯一大盞沃之以器合定勿令洩氣量兒大小溫溫服微發消毒散治瘡未出或已出未能勻遍又治一切瘡涼膈去痰治咽喉痛

牛蒡子

炒叁兩

甘草

炙半兩

荆芥穗

貳錢半

當作云

右同為麤末每服三錢水一盞半煎七分去渣溫服海藏云此藥皆溫平之劑一去加防風薄荷

鼠粘子湯治小兒痘瘡欲出未能得透皮膚熱氣

攻咽喉眼赤心煩

鼠粘子

炒肆兩

荆芥穗

甘草

各壹兩

防風

半兩

右為細末沸湯點服臨卧大利咽喉化痰涎止嗽皆宜海藏云太陽少陽之劑首論溫平者此也

又法用牛蒡子炒熟為末同荆芥煎服

痘瘡見形

刀斗四

重七

右三方消毒飲加減法也

化毒湯 治小兒痘瘡已出未出並宜服之

紫草茸

升麻

甘草

炙各等分

右吹咀水二鍾粳米伍拾粒同煎此陽明之藥也
海藏云出不快者化毒湯
本事方用糯米去粳米

丹亞玉痘出兩日不甚透食稍進汗微出熱略減但
食物口中覺有惡味此出得遲發未透須微微表之

升麻

甘草

紫草

白朮

陳皮

芍藥

炒半錢

作一貼加少酒同煎白芍須炒見其大便雖出不

多却白帶溏滑

透肌湯 治痘不透

紫草

白芍藥

升麻

秫米粉

炒各半兩

右三方皆化毒湯加減法也

大發頭面出不快此太陽經也當用荆芥甘草羌活

防風天麻共煎 胸脇出不快此少陽經也當用柴

胡黃芩紫草木通紫蘇共煎 四肢出不快此陽明

經也當用升麻葛根紫蘇芍藥甘草連鬚葱白共煎

遍身都出不快當用九味羌活湯 以上四證藥

痘疹

公和四

百三

味內各加薑葱為佐連進二服痘出快矣

九味羌活湯

羌活

防風

蒼朮

細辛少

白芷

黃芩

川芎

生地黄

宜以芍藥易之

甘草

水煎量大小輕重加減

散寒五積散

正氣散

調解散三方俱見初熱

清暑辰砂五苓散

五苓散加辰砂細研末是也

人參竹葉湯

治夏月吐逆煩躁口渴心悶不寧及

疹後餘熱不退小便赤或赤斑者

人參

半夏

麥門冬

當歸

淡竹葉

各等分

右剉散每服三錢水一盞生薑一片煎服

白虎湯

石膏身兩

甘草節

捌錢

知母

壹兩陸錢

右為麤末每服三錢水一盞粳米二十粒同煎至

半盞去渣溫服不拘時加入人參壹兩貳錢名入

參白虎湯聖惠方加乾葛

小柴胡湯發熱

痘疹

初十日

百三

攻裏汪機云有紅斑點出日數未盡其內實而肌熱者宜疎利之

紫草例海藏云小兒瘡疹出未快可濃煎紫草汁服按紫草通腠理利九竅涼血活血故為痘家欲出未出必用之藥若出已透而大便利者忌之

紫草散 發癩疹

釣藤鈎子

紫草茸各等分

右為細末每服一字或五分一錢溫酒調下無時四聖散治瘡疹出不快及倒靨一方有黃耆

紫草茸

木通

甘草炙

枳殼麩炒

右等分為麤末每服一錢水一鍾煎至八分溫服

無時

劉提點云疹痘最要女大小分曉錢氏四聖散用木通枳殼極好若大小流利不必苦泥

紫草迴癩散 小兒痘疹出不快或倒靨毒氣入腹

紫草茸

黃耆

桑白皮

木通

枳殼

白朮各等分

右為麤末每服三錢水酒各半盞麝香少許同煎服

紫草木通散 治小兒瘡疹

紫草

木通

人參

茯苓

粳米 各等分

甘草 減半

右為末每服四錢水煎此小便不利之劑也

人參 蟬蛻散 治小便不利瘡痘不散煩躁多渴憂

牙咬齒氣麤喘滿

人參

蟬蛻

白芍藥

木通

赤茯苓

甘草

紫草茸 各等分

右用水煎服

透肌散

紫草茸

綠升麻

粉甘草 各壹錢

右細切水煎服或與消毒飲同煎服尤妙

紫草透肌湯 治痘熱而出不快及頂陷者

紫草 壹錢

升麻

木香 各伍分

牛蒡子

防風

荆芥

黃耆 各捌分

甘草 叁分

右薑水煎服 如色紫腹痛加蟬退壹錢

紫草快癩湯 治痘疹血氣不足不能發出色不紅

活等證 即紫草湯

紫草

人參

白朮

茯苓

當歸

川芎

芍藥

木通

甘草

糯米

右每服二錢水煎

烏金膏 治發熱至七日已前或因風寒痘不起發

或紅紫或驚搖俱可用

殭蠶 酒洗

全蝎 去足尾 酒洗

甘草

紫草

白附子 味苦內白者真

麻黃 各伍錢

穿山甲 炒末 貳錢半

蟬退 去頭足 酒洗 貳錢

右為末將紅花紫草各壹兩好酒貳鍾熬去大半去渣入蜜伍兩慢火同熬滴米成珠為度丸如龍

眼核大每服一丸燈心湯化下

紫金散 治痘瘡出不快及倒靨亦治遠年不愈惡瘡

紫草

蛇退 炒焦

牛蒡子 炒各伍錢

右為細末每服一錢水半鍾煎減半溫服

獨勝散 初熱

蘿蔔湯 治痘疹出不快者

右用開花蘿蔔煎汁時時飲之蓋痘疹氣勻即出快蘿蔔治嗽定喘下氣消脹解毒

野通散 治痘瘡出不快及傷寒不語

乾野人糞即稱猴糞
火燒存性

冰片

真麝香各等分

右為細末每服五分看大小用新汲水入蜜調下
十歲以上者服一錢 按野人糞治蜘蛛咬瘡此
治痘出不快大効若蜘蛛咬瘡久而不愈其絲生
皮膚延蔓遍身不愈者加雄黃青黛水調以蜘蛛
試之立化為水屢驗蓋此三味是治瘡疹當用之
藥取山中者若人家所養之猴食物味雜即不効
失其本真也

補虛例丹勉奴痘已出第三日色淡不肯發此血氣

俱虛與此方

人參

訶子煨各壹錢

白朮炒

黃耆酒炙

當歸身酒洗各貳錢 陳皮貳分

甘草炙少許

荳蔻煨壹錢半

右煎入好酒些少飲之

六一湯見灌漿

祕傳大透肌散

人參

芍藥

川芎

甘草

茯苓

白朮

木通

陳皮

黃耆

糯米

右各等分爲麤散每服四錢水煎服

活活血散治瘡子或出不快用白芍藥末酒調如欲

止痛只用溫熱水調嚥下海藏云張和之治四肢

證乃太陰藥也

世四物湯治痘瘡出不快不甚紅活不起根窠緣血

虛故也此藥能活血調順痘疾無如此方自古及

今用之如寶只加甘草服之

通天散 治痘發熱不出或已出而色不紅活

人參

陳皮

桂枝各捌分

川芎

熟地黄

芍藥各壹錢

當歸

紫草各壹錢半

紅花

木香各叁分

甘草陸分

知母捌分

荔枝殼拾箇

右用雞汁一鍾棗三枚糯米一撮煎服初服到頸

再服到臍二服到脚神効

人參透肌散 治痘瘡虛而有熱雖能出快長不齊

整隱於肌膚間者

人參

紫草如無以紅花代之 白朮

茯苓

當歸

芍藥

木通

蟬蛻

甘草

糯米各等分

右每服三錢水一盞半煎半盞徐徐服

升均湯 治痘瘡已出不均或吐瀉熱渴

升麻

乾葛

芍藥

人參

白朮

茯苓

甘草

紫草茸如無紅花代之

右每服三五錢薑水煎量服之

祕方 兔絲子一味醋浸一宿焙乾為末發熱時每

一歲兒服七分童兒大小加減好酒調服甚易發

易脹易靨且後無餘證 此方氣血弱者未出之

先可用既出之後不可用用則托出太多 此方

係胡黃谷祖仰山公宦遊廣東得之用者百發百

中但元氣厚者服之不免太密乃大補助火故也

或曰痘未出之先既可服此又奚取於保嬰丹乎

殊不知保嬰以解毒而使之稀此則氣血弱不能

出者服此而托之使出也

又方 臘月梅花將開時採曬乾為末煉蜜為丸未

出之先量兒大小三四服可令豆稀加硃砂尤妙

二花散 治痘疹已出未出不發不起隱在皮膚之

間熱證並治

梅花 壹兩 陰乾

絲瓜 伍錢 陰乾

桃花 伍錢 陰乾

朱砂 貳錢 飛過

甘草 壹錢 皮火煨

右為細末每服五分半末痘時蜜水調下

服前藥仍不快無諸惡候者可服八味二花散 見大

虛突例丹女子瘡後出痘血氣俱虛又值冬寒熱易

退不出

丁香 伍粒

附子

肉桂

陳皮

當歸 酒洗各 伍分

人參 半兩

黃耆 錢壹

甘草 炙貳 分

陳異功散 治痘瘡已出之間不光澤不起發根窠

不紅謂之表虛

木香

當歸 各叁 錢

桂枝

白木

茯苓 各貳 錢

陳皮 去白

厚朴 薑製

人參 去蘆

肉苳蔻 各貳 錢半

丁香

半夏 薑製

附子 炮去皮各 壹錢半

右咬咀每服一錢水一盞薑五片棗三枚煎服

右治虛寒 虛而不寒者宜用前方血氣俱虛之劑 不宜用此必脉虛細四肢身體冷者方

可用

十補散 滋養氣血調養脾胃能使瘡毒速出有寒

證者用之加紫草木香糯米名參耆肉托散

黃耆 人參 當歸各一錢

厚朴 桔梗 川芎

防風 白芷 甘草各壹錢

桂心叁分

每服四錢水煎服或為末溫水調下一錢五分

虛熱例藍根散 治瘡疹出不快及倒靨一名二聖

散救小兒垂死

板藍根壹兩 甘草炙柒錢半

右末每服半錢取雄雞冠血三兩點同溫酒少許

食後調下無時甚則三五服立効丹溪云藍根散敗血

絲瓜散發瘡疹最妙絲瓜連皮燒灰存性百沸湯調

下或以紫草甘草煎湯調服尤佳米湯亦可

蘿蔔湯見前

煩不得眠例痘疹煩不得眠者甘桔加梔子湯

桔梗 甘草 梔子

右各等分煎服

活治痘出不快煩躁不得眠者水解散麻黃黃芩湯

升麻黃芩湯主之海藏云莫若定其氣血用石膏梔子之類尤佳麻黃黃芩湯升麻黃

升麻湯亦當求責的是太陽陽明方可用之

痘疹具形

水解散 治天行頭疼壯熱一二日兼治疱瘡未出
煩躁或出尚身體發熱者

麻黃去節 肆兩

大黃

黃芩

桂心

甘草炙

芍藥各貳兩

右為麤末患者以生熟湯浴訖以煖水調下一二錢
相次二服得汗利便瘥強人服二方寸匕風實之
人三伏中亦宜用之若去大黃春夏通用

升麻黃芩湯治痘瘡出不快煩躁不得眠 麻黃黃
芩湯治痘瘡出不快益煩躁昏瞶或出尚身疼熱者

二方見小兒傷寒門

胡荽酒

胡荽一味細切肆兩以好酒二盞煎一二

沸入胡荽再煎少時用物合定放溫每吸一大口
微噴從頂至足勻遍勿噴頭面病人左右常令有

胡荽氣即能辟去污氣疹疹出快

指南有禁瘡之說云痘毒奔潰由氣血虛弱不能拘
領其毒以致毒盛而聚於腠虛之處故痘之初出也
或一點二點見於隱僻腠節之處及方廣四肢之間
此痘一出則諸痘不得宣發成漿矣故曰禁瘡其禁
有五 一曰胃禁 二曰火禁 三曰水禁 四曰風禁 五曰
寒禁 胃禁者毒火炙胃不能發散於肌表脾胃潰

痘疹見形

刀斗日

痘疹

爛其外證之痘出於唇口之間者或一三四五點相連諸痘未漿此痘已先黃熟知由熱毒內攻胃已腐爛故諸痘不得成漿也如唇口一見此痘當察其面色煩紅氣麤熱甚口臭異常者是其驗也 火禁者小兒初發之際或因身發寒熱而悞以火薰炙其衣被或睡卧於火箱之中使皮膚乾燥故痘毒發泄不出又兼氣虛而不能拘其毒則毒停皮膚之內隱隱不能發出肌表也細看皮內覺有紅點無頭無脚或於四肢頭面方廣之處見一二點痘子則諸痘皆從此痘上發洩為孽而皮內隱隱不出之痘終不能快

出名為火禁以水楊加荆芥煎湯浴之則諸痘自發矣輕則升麻和解散主之 水禁者初發熱之際陰陽未分毒氣方熾或悞食生冷則毒停於皮肉之間隱隱有紅點或於方廣兩脇手足頭面之際發有水泡者是也蓋冷氣在內則腹疼肚脹在外則發熱惡寒此其驗也以丁香桂茯苓升麻大腹之類逐之冷食遺積脾胃須防下泄再加山查 風禁者發熱之初失於不避風則風入肌表痘不能發或肌膚麻木不知痛癢或不麻木而乾燥或毛直而乾焦或皮癢欲搔或重則狂煩譫語此風與火搏故也治法以升麻

湯加羌活荆芥以逐之甚則蒺藜蟬退以攻也 寒
禁者發熱之初候經冷水沐浴或睡卧於鐵漆寒冷
之處或衣被單薄感冒寒氣則痘必不能宣露有手
足麻木不知痛癢有四肢冷痛不能舉動者有麻木
冷痛之處不出痘子惟於委曲避風之處或頭面髮
際之上痘出如癩疹者是其驗也內以丁桂川芎升
麻逐之外用綿衣以溫之曾見小兒年十一二歲發
熱之初卧新漆床上初因熱極父母不防出痘任小
兒手貼漆床而卧致令寒氣侵入手臂其餘四肢面
腹方廣之處俱出有痘惟一臂麻木不仁無一點痘
出諸痘俱起九日而平復如故

痘部分

經曰諸痛癢瘡皆屬心火心之華在面痘

瘡之火其出先在於面但觀其出之部位可以知其
候之凶吉如先在唇四畔出者或兩頤出者吉蓋太
陽之邪下傳陽明者胃與大腸積陳受朽氣血
俱多又口為水星頰屬腎水火為水制不能作虐
也如在額角眉心先出者凶蓋太陽足壬膀胱水手
丙小腸火丙火獨旺不受壬水之制其毒併於膀胱

之經而先自病膀胱多氣少血又正額屬心火火不
務德安行無怠心爲君主之官主危則十二官皆危
矣凡起發成漿結痂亦如此論 經曰頭者精明之
府又曰春氣者病在頭可見頭乃人真元會聚之所
爲發生之本又面列五官分五行而五藏之華皆見
於面是頭面者人君之象至貴至尊不可凌犯者也
咽者胃腕水穀之道路也主內而不出喉者肺腕呼
吸之往來也主出而不內在人之身譬猶關津要路
也瘡疔之出最要頭面稀少頸項無方是吉兆若頭
面多者謂之蒙頭諸陽獨亢五官俱廢神明失守精

華自萎經云神去則機息氣止則化絕者此也頸項
多者謂之鎖項內者難出外者難入上者不升下者
不降經云一息不運則機絨窮一毫不續則霄壤判
者此也故皆不治 陳氏文中曰痘瘡輕者作三四
次出頭面稀少胸前無蓋頭面者諸陽之會胸者諸
陽之所受氣此數處痘子宜少不宜多以清陽之分
不可濁亂也手足雖諸陽之本乃身所役使卒伍卑
賤之職非若頭面爲元首也又居四末非若胸膈心
肺之居神明之舍也故雖稠密不必憂也若頭面胸
項手足稠密瑣細一樣者却愁氣血衰微脾胃虛弱

不能周流灌注起發不透收靨太遲而生他變矣
 凡痘子初出便自手足先出者他處未起而手足先
 起他處未收而手足先收者此陽火太旺宜用解毒
 抑陽扶陰之劑四物湯失血合黃連解毒湯煩躁主
 之如他處俱起而手足起遲他處俱收而手足不收
 者此脾胃虛弱不能行其氣血達於手足宜補脾胃
 十全大補湯汗桂枝芍藥湯腹痛主之 一出紅點
 數粒發於山根之上為毒盛氣虛而毒乘虛犯上或
 發三五粒一塊者皆不吉之兆也宜急用涼血解毒
 以防危急若腮頰地閣之間疎疎發見淡血潤色三

次出者乃吉證也

痘見形色

凡痘瘡之出不論疎密而論磊落若磊磊
 落落如珠如豆顆粒分明尖圓緊實雖密無妨此謂
 出盡無留毒也如黏聚成叢模糊作塊不分顆粒恰
 如紅瘤雖只一二處未可言疎此謂之伏出未能盡
 若待後者再出則先者或陷而復隱或癢而俱潰成
 壞瘡矣此猶淹延引日久而後斃若如蠶之殼如蛇
 之皮此氣至而血不榮也謂之乾枯如蚤之咬如蚊
 之嘍此血至而氣不充也謂之陷伏不能引日奄忽
 而死矣 痘瘡初出與未病時皮色一般者善若瘡

痘疹 卷之四

太赤根下皮色通紅此血熱氣不管束也後必起發

太驟皮嫩易破癢塌而不可救宜急解血分之熱四

物湯失血加升麻地骨皮紅花紫草或消毒飲活血

散起發合而飲之待色少淡急補氣分之不足四君

子湯不能食加黃耆防風木香或調元湯大法參苓白

朮散痘渴合而飲之仍用血氣二方相間而服若成

漿不破損者吉服藥不效反增瘙癢者命也 痘瘡

初出有四善紅活明潤緊實堅厚尖圓布散磊落稀

疎蓋頭子賴血以潤之血活則其色如丹砂如雞冠

若毒凝血聚則遂成黑色今頭焦黑者乃榮血不能

流行內外毒氣壅遏此證甚危其人必大小便秘喘

急煩躁宜用七物升麻丸初熱當歸丸便秘通關散

便秘三乙承氣湯便秘看輕重緊慢用之以解裏之

急得利後以紫草飲加味四聖散調無價散以解表

之毒仍用臙脂塗法瘡變紅活以漸起發者吉若更

乾黑者凶莊氏云斑瘡倒靨而黑色者謂之鬼瘡

痘子賴氣以束之脾胃強氣實則肌肉厚皮膚堅今

痘皮嫩薄溶溶如淫濕之狀乃脾胃氣虛其人必少

食或自利宜用十全大補湯自汗去生地黃加防風

白芷外用天水散即六一散蜜水調拂瘡上以解表

見初熱

痘疹 卷之四

之濕熱瘡若起發成漿者吉漸變癢塌者凶聞人氏云瘡痘作癢深為可慮能調和愛護勿令有此乃為上策 痘出如灰色白者氣虛也候齊後以保元加木通川芎肉桂最穩用木通者取通心氣也 出不紅活淡色者血虛也保元湯中加酒製當歸酒炒赤芍藥及川芎血熱者仍加生地黃薑汁拌曬倍黃耆 痘出皮膚乾燥枯澀者必難起脹用溪中白石洗淨燒紅以井花水漬之使濕氣蒸於痘上頃間光澤甚易起又能辟穢 一出與地皮相似無骨起之意乃是紅斑急宜涼血解毒宜羌活散加酒炒芍藥紫草紅

花蟬退木通糯米連進數服或以六一散保嬰丹紫草膏隨意用之亦可癰退以保元加木香豆蔻煎服以解紫草之寒防其泄瀉若夾疹同此如治稍遲則變成黑癰實難救矣大抵下紫草必下糯米五十粒則不損胃氣無泄瀉之患惟大熱大便秘者不下糯米以糯米黏膩故也餘詳夾癰夾疹條 一出真紅嫩赤摸過皮軟不礙手者此係賊痘過三日變成水泡甚至紫泡黑泡此危證也急少加保元大加紫草蟬退紅花解之或煎燈草木通湯調六一散利去心熱而紅紫自退如已成水泡則保元中大下四苓利之此于

金妙法也不然則遍身擦破赤爛而死 痘子初出
不成顆粒但皮膚間濟濟簇簇如寒風粟子之狀或
雖出形與鍼頭相似稠密無縫此皆惡候雖有良工
無能為矣

紫草飲

紫草

芍藥

麻黃

當歸

甘草各等分

右剉細水一盞煎不拘時服
加味四聖湯

紫草

木通

木香

黃耆炙

川芎

甘草

人參各等分

蟬蛻拾箇

右剉細加糯米百粒水一盞煎服

臙脂塗法

先以升麻一味煎濃湯去渣却用臙脂於湯內採
出紅汁就以本綿蘸湯於瘡上拭之

阮氏萬全散 治痘瘡出不紅潤

防風

人參

蟬蛻各等分

右細切每服四錢水一盞入薄荷三葉煎六分溫
服熱而實者加升麻

痘疹

卷之四

百四十一

化毒湯 治痘已出而熱毒未解宜清熱涼血毒一
解不致黑陷血一涼不致紅紫

紫草

升麻

甘草

蟬退

地骨皮

黃芩

酒炒

木通

右各等分水煎服

解毒散 治毒先發腫者名爲痘母後發者十有九
死先發者吉

金銀花

伍兩

甘草

壹兩

木通

防風

荆芥

連翹

牛蒡子

各叁錢

右用酒水各一鍾煎服

如泄加訶子豈蔻

痘

紅者加炒黃芩芍藥 瘡癢者加歸身生地或加
何首烏尤佳 疼痛者加赤芍藥

露桃花散 痘形一兩日鼻紅罩錦或色焦紫惡渴
煩躁睡卧不寧再不宜以藥下之準服露桃花散

自然紅活

露桃花

紫草

紅花

白芍藥

加倍

木通

生地黃

茯苓

甘草

橘皮

痘疹見形

方寸四

百四十一

右用燈草煎服 露桃花性陰而和陽取時須待
將開含笑清晨摘取飯鍋上蒸熟焙乾帶蒂入藥
不宜多用多用則恐作瀉若不預收多加紫草茸
芍藥可也

黃連解毒湯 痘出三兩朝身中熱烙焦紫無紅活
色梟炎猛烈之甚也或眼紅臉赤或小便澀結須
服黃連解毒湯加減犀角地黃湯可也

黃連

生地黃

芍藥

甘草

木通

車前草

僵蠶

桔梗

連翹

牛蒡子

荆芥

水煎服

或去僵蠶翹芥加紫草茸燈心熱甚加柴胡地骨皮飽脹加全瓜蒌枳實山查氣弱

不用枳查

加減犀角地黃湯

犀角

木通

生地黃

芍藥

紅花

紫草

茯苓

車前草

鮮者

地骨皮

鮮者

甘草

水煎服 犀角須用井水磨濃俟藥煎如度投下
服之不可和內煎也若身熱驚厥加紋銀一塊全

煎蓋因肝木旺而心火炎上故金以尅之耳

五龍湯 痘一見形就是蚊蚤咬的形者是痘毒緊

轉心肝二經而然也極是犯君痘經云臣陵於主

逆天條有福兒童驚地逃總然和順成功去也在

刀山走一遭好把化癩湯浴之內服五龍湯

黃連

紫草茸

芍藥各各錢

生地黃改錢

煎濃入水磨犀角汁和服 王氏治此多用大黃

湯下之徹逐其毒隨用升表之劑固為美法 下

後不能提喉速致其死不若五龍之為安也

化癩湯

金線薄荷

大水楊柳

荆芥

蒼耳草

四味共煎濃去香將頭髮滾湯洗去油垢團櫛仍

湯熱徐徐浴之必須置之暖處外再服前藥癩去

而痘自鼎峻矣

四仙散 痘起遍身俱是黑色論備載在前矣要是

元癸奪權爭先如青天晴極而雲霧靜水風動而

波行第一奇痘也只以化癩湯浴之於外而內服

四仙散自然色變而為美矣

甘草紫草與通草二般遇此多是寶黃連連翹與石蓮三味合浸共一炒研末惟在空心時砂糖調服霎時好此痘得者甚鮮非富貴之至者不能見此若見形而盤縷失天元者不在此列按此即所謂鴉翎痘也雖黑而光潤圈圓頂峻與常痘同得之者必主大貴

玉泉散 痘形一朝就結焦粒是梟炎徹於肝榮而玄水弗克和解急服玉泉散庶可挽治

犀角 貳錢

白芎

黃連 各壹錢 爲細末

冰片 叁分 另研

濃煎甘草湯或建糖調服大者五分小者再減此方屢治痘焦者恒獲速效但犀角人不諳用法必須麤礪瓦盤井水磨之待澄淨去水刷於綿紙上略有乾燥方和前藥用之若以鐵器鏟下細末犀不清水則不効

此多熱不退 涼血解毒湯 痘出熱不退紅不分地

或痘苗乾枯黑陷急用此方可起壯灌漿

紫草 壹錢

生地黃

柴胡 各捌分

牡丹皮 柒分

赤芍藥

蘇木

防風

荆芥

黃連

濕疹

木通各參分

牛蒡子肆分

天麻

紅花

甘草各貳分

右用薑一片燈心二十根糯米百粒水煎服

清地退火湯見前

加味犀角飲 痘已出不勻心煩壯熱口舌生瘡

犀角

牛蒡子

荆芥

甘草

防風

升麻

桔梗

麥門冬

水煎服

凡瘡疹未有咽不痛者心胃有熱上攻於咽

乾澀而疼宜於發熱初出之時預解之甘桔湯加牛蒡子甚者射干鼠粘子湯令毒火解散不停留於咽喉之間致生他變也若初時隱忍不即解之以致毒留咽喉發而為瘡腫脹潰爛水穀不入呼吸不能聲啞難言却欲呼醫悔無及矣所以甘桔湯瘡出之後常宜飲之利咽喉寬胸膈清肺金解毒火也如兼口舌生瘡齒浮齲腫者宜甘桔湯合黃連解毒湯加牛蒡子水漿不入者射干鼠粘子湯加桔梗荆芥穗山豆根已上證候須能食臟腑亦熱方可用如上焦雖熱却覺小便清大便溏飲食不進者只用甘桔湯不

五字見形

刀斗日

百七

須加牛蒡子蓋其性涼為瘡疹所宜服者能透肌出
癰瘡是以瘡疹亦出也大便利則不可服

甘桔湯

射干鼠粘子湯

俱咽

護目痘瘡方出之時使不入目以神應膏塗眼四周
或只以臙脂取汁塗之或傅以水調黃礫末或以牛
蒡子為末蜜調貼額上或以白芥子末水調塗足心
此皆養護之良法也若眼中流淚或多眵或目中紅
赤此肝火大旺宜早解之洗肝明目散加蟬蛻又有
忌食之法如濃厚滋味牛雞鵞鴨皆不可食食雞鵞
鳴卵未有不為目害者但令食淳淡之物或少入鹽

亦無害如湫隘之家不可煮雞鵞鴨卵其氣相襲亦
能損目不可不知

神應膏

黃礫 壹兩

真菉豆粉 壹兩 甘草 肆兩

紅花 壹兩

右為細末用臙脂水和蜜水調塗兩眼四畔之瘡
痘上

黃礫膏

如瘡疹已出此藥塗面次用胡荽酒外治

法

黃礫 壹兩

菉豆粉

紅花 各貳兩

甘草 肆兩

右同為細末生油調從耳前至眼眶並厚塗之日
三兩次如早塗瘡不至面縱有亦少

彭氏云痘疹
護眼人多用
臘脂據九醫云不如錢氏黃壁膏
最好諸家護眼法無出此方也

痘瘡初出用鼠粘子為末水調傅頤門並無患眼亦

妙

洗肝明目散 眼目

錢氏云痘瘡只出一般者善凡痘初出其
間碎密若芥子者夾疹也皮肉紅腫成片者夾癍也
疹由心熱癍由胃熱宜急解其毒消疹用黃連解毒

湯 煩躁 合消毒飲化癍用人參白虎湯 痘渴 合消毒

飲或只以升麻葛根湯夾疹者加防風荆芥穗木通
麥門冬黃連夾癍者加石膏人參大青玄參淡竹葉
如疹散癍解現出正痘疎密停勻者吉痘被癍疹夾
雜不能起發者凶

痘瘡聞人氏云傷寒熱邪在表裏未能作汗或當汗
不汗熱鬱於肌膚故發痘瘡色白或赤如火丹頭作
漿白膿者輕根下紫色隱隱在肌肉者重甚者五內
七竅皆有之其形亦如痘小兒肌肉嫩薄尤多此證
非正瘡痘也又云六腑屬陽有熱則易出是以作膚

痘瘡見形

乃年日

痘瘡

瘡一出卽遍滿肌皮之上如癩瘡細孢子見而便沒其所受氣淺故也五藏屬陰有熱則難出其爲瘡痘在肌肉血脉之間必先發紅癍而後如豆故名瘡痘其所受氣深故也大抵暴熱而便出者必膚疹久熱而難出者必是正瘡痘膚疹非正瘡痘也愚按痘瘡初出五藏不同肝水疱其色微青而小肺膿疱其色微白而大心爲癍色赤而小脾爲疹色赤黃而淺及五七日之後不問其初出自何藏悉成血疱血疱成膿疱正如豆樣膿疱之後結痂疔則愈此方是正瘡痘也或人疑之曰肺旣爲膿疱而血疱之後又成膿疱者何耶蓋膿疱之出於肺者言其初時淡淡如膿其色白而非黃俗稱白痘者是也若血疱之後所結膿疱則是其瘡已熟譬如果之成實飽足充滿色裏黃膿其色黃而非白也

子母痘表痘經於心者必湧出而無漸經於腎者必沉匿而難見痘焉有子母者耶若肝肺脾三經來者或作兩三次而盡標或作四五次而盡標或一邊灌漿一邊表暴或回盡而旁隙處痘又臻焉或頭面先稀少身體多布列而後上焦又添出焉或身體先稀少頭面多布列而後下焦又倍出焉此所謂子母痘

者也蓋因元氣以漸而至梟炎以漸而微不失之峻
速以貽莫勝之悲不失之隱滯而踵攻激之害疔癰
可消溶於起點之時癰毒自祛除於曆痂之後非陽
明胃太陰脾二經弗克致也世俗以先標者謂之望
痘後出者謂之贈痘意有在焉

禁忌 瘡痘本因熱而出熱勢甚則其出愈難故癰點

未見之時惟當用平和藥如升麻葛根湯參蘇飲俱

初熱東垣鼠粘子湯密惺惺散初熱等解利之或有

不問虛實便以辛熱之劑大發之施之虛者猶庶幾

焉若盛實之人熱毒彌漫榮衛閉塞裏毒甚者大便

不通小便如血是謂爵毒不散毒氣無所從出反攻

臟腑表毒盛者瘡凹而不起遂成倒陷或為潰爛或

為癰瘡當此之際不能解利至於斃者多矣是陽盛

熱熾無陰氣以感之也用消毒飲咽喉七物升麻丸

初熱得毒氣解散榮衛流通瘡子將自起矣

見形三朝生死

凡小兒發熱三日之間熱退身涼涼而復熱熱而復

涼然後報痘從口角顴骨上兩兩三三成對報點至

三四五日出齊者順之兆也其或發熱只一日或二

日即見紅點或吐瀉腹痛或戰慄身溫不食昏卧三

四日痘不起發死光澤慘暗不明根窠色白皆虛寒之候也所謂險也可治而愈苟發熱太甚煩躁悶亂喘急不食反熱而復涼連熱一齊突出紅紫黑色不起換不光潤為表中實熱或自太陽天庭方廣出起皆凶之兆難治

報痘時頭面稀少胸前背後皆無根窠紅潤頂尖礙手如水珠光澤者上吉也不必服藥

報痘時煩躁不寧腰腹痛不止口氣大臭出紫點者死亦有出青癍如藍靛色者皆死證也

報痘時色白皮薄而光根窠全無紅色或根帶一點

紅三五日即長如菜豆大此痘決不能灌漿久後成一包清水擦破即死不可因其好看妄與下藥

報痘全不起頂又頂如湯泡及燈草火燒之狀十日後癢塌而死


報痘時起紅癍如錦紋者六日死遍身如蛇皮者死報痘時黑癍如痣狀肌肉成塊黑者即日死

痘身發熱未透而即報點現標已而復沒不見又出又沒者謂之弄標痘蓋痘瘡全憑熱透則肌膚通暢自然易出今熱不透則地皮未熟出而復沒隱而又出氣血衰弱之甚無力發洩故也難治

痘色紅紫焦枯貼肉不起皮厚黑如鐵挑之不破無漿血者謂之鐵甲痘乃氣澀而不營血枯而不潤磅礪皮肉八九日內死

凡瘡子已出頭面要稀疎磊落頸項上宜少不宜多胸前要少而疎如此者其毒則輕如面上模糊一片未發先腫纏項稠密胸前亦密此毒甚也勿治凡痘子出盡正將起發其中有發血疱者此毒伏於心即死有發水疱者此毒伏於肝旋見癢塌而死

幼科證治準繩卷之四



文德乙丑

